

## عاشق مرار الصبر

معايا الشهد والتفاح  
لكن عاشق مرار الصبر  
أدوق المر وانا مرتاح  
وجنب الشهد يحلى الصبر  
واتوه في ليل ملهش صباح  
غريب سواح م يطلع فجر  
يزيد يأسى وهات يا نواح  
ضلام ليلى ضلام القبر  
لمين اشكى يا ناس حالى  
وأنا حالى ملهش مثيل  
ومين يسمع لموالى

وأنا في غربه وليلي طويل

يامين يسمع ندا قلبي

ويتمتع بأه مني

انا بدمع ودا ذنبي

عشقت الصبر إكمني

ياااااا

على قلبي وعلى نفسي وعلي كلي

شريت المر وبنفسى رضيت ذلى

يا ليل الغربة يا قاسى

يا حارمنى من ناسى

يا حارم قلبي من حبه

وساقينى من مرار كاسى

انا هفضل كدا اتعذب

ونار الكون في انفاسي  
وارضى بجرحي واتغرب  
وتاج الملك فوق راسي  
انا بنفسي رميت نفسي  
في نار الصبر تحرقني  
ولا نفسي رمت بيا  
في بحر ملوش معدية  
واحاول انجى مقدرش  
ونفسي ترجع تغرقني  
انامين؟ ..وعايش ليه؟  
ومين يقدر يفهمني  
انا بايدي عليا جنيت  
ورضيت بالصبر يحرمني

حلاوة الشهد والتفاح  
ولاظلمى لنفسي وحيرتى وآلامي  
كانت مكتوب لقلبي يشوفه قدامى  
ياااااااااه

بعدنا كثير يا نفسي انا وانتى عن الدنيا  
لكن راجعين انا وانتى يا نفسى  
لنفس اليلة وفي ثانية  
وأرجع تانى واتألم  
وأقول الدرس م اتعلم  
معايا الشهد والتفاح  
لكن عاشق مرار الصبر  
أدوق المر وانا مرتاح  
وجنب الشهد يحلى الصبر